

**Cogitationes, Sive Considerationes Christianae Pro  
singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Sabbatum sanctum. DE Doloribus Beatissimæ Virginis.

---

[urn:nbn:de:hbz:466:1-60514](#)

mūs, omnia reperire, quia Deum invenimus. Denique, si priorum commōdorum oblitiscamur, cum fænore infinito ea à nobis recuperare; quia Deus eorum recordatur. Felix oblivio, quæ Deum cogit efficaciter mei meminisse!

*Scrutare conscientiam tuam, ut cognoscas quale sacrificium nunc Deus à te maximè requirat; & statue id ei prestare, quocunque demum pretio.*

Sacrificium, & oblationem noluisti. Tunc dixi, ecce venio. *Psal. 39. v. 7.*

Quid te hortatur, ut imiteris? quod non posset, nisi factus Homo; tolerare enim Passiones nunquid posset, nisi factus homo? *Aug. in Psal. 90.*

## SABBATO SANCTO.

### De Doloribus BMÆ. Virginis.

#### I.

**R**Ètè dixeris, si dolores filij dolores matris fuisse dixeris; neque ullum hominem secundum Christum tanta perpessum esse, quanta Bma Virgo perpessa est. Si ipse vir dolorum fuit, tunc illa mater dolorum fuit: dolor illius amore, quo fi-

F 2

lum

*Aprilis.*

lium complectebatur, haud minor fuit: amabat ea filium suum plus, quam omnes homines conjunctim eum unquam amarint. Hinc doloris magnitudinem collige; quidquid ipse in suo corpore sustinuit, Maria in corde suo pertulit; vulnera, quæ Christi membra lacerabant, cor Mariæ penetrabant. Cum filium patientem videret, longè plura patiebatur, quam si ipsam omnes ipsius cruciarus fuisset perpessa; quia longè ardentius filium, quam seipsum amabat. Si ipsius tormenta in se suscipiendo minuere ea potuisset, gaudio id sibi duxisset. Pati enim pro amato dulce est: sed dolor omnis solatij expers est, videre dilectum affligi, nec subvenire ei posse. Si tanto, quanto Maria, Christi amore flagrares, nœ tu etiam vehementer, sicut ipsa, ex ejus cruciatibus dolorem caperes, atque illorum particeps esse optares.

II. Quemadmodum Maria Mater fuit afflita, sic non minus etiam fuit generosa; dolor ejus animum non fregit, nec doloris sensus quidquam ipsius voluntatis cum Divina consensum imminuit. Stabat ea juxta Crucem filij sui, & quemadmodum tormentorū ipsius particeps, sic & constantiæ ipsius consors erat. Filius ei ad patientiam exemplo, & incitamento erat. Patet

*Aeneas*

Æternus voluit, ut ea filio suo se jungeret <sup>Aprilis</sup> grande hoc sacrificium oblatura, quod mundo salutem afferre debebat. Hinc non minùs ipsi, quām olim Abraham, dicit: *Tolle filium tuum unigenitum, quem diligis:* imò & illū ipsū mihi immola. Non fuit minùs afflcta, quām Abraham; sed illo generosior, quia, cūm incomparabiliter plūs IESum amaret, quām Abrahamus Isaacum, plus etiam immolare debuit. Præterea Pater Æternus non ita pepercit Mariæ, sicut Abrahamo; sola enim voluntate neutram contentus, voluit, ut reī executioni daret, & sacrificium, quod inchoārat, absolveret, ab eo momento, quo Simeoni ei denuntiārat, filio iphius moriendum. Quanto Mariæ non stetit, ut saluti tuæ consuleret, eāmque in tuto collocaret? & tu salutem tuam nec minimā tui victoriæ comparare velles?

III. Si Maria generosa fuit in monte Calvariæ, non minùs etiam gloria exstitit. Multum ea Deo consecravit; sed & Deus multa eidem rependit. Quanto illi non stetit, ut filium suum morti offerret? sed quantam gloriam non fuit adepta, quod hoc sacrificium fecerit? dum Corredemptricis hominum (ut ita dicam) Merita est dignitatem ob felicitatem, quam

F 3                    habuit,

86 *Considerationes Christianæ.*

Aprilis.

Ioan. 19.  
17.

habuit, proprio consensu operam suam conferendi ad sacrificium, quod filius obculit, futurus orbis Redemptor. Eva, cùm ad arborem illam fatalem, ad arborem illam execrandam accessit, mortis nostræ causa fuit. Maria, cùm ad arborem Crucis, ad arborem benedictam accessit, origo nobis gratiarum fuit. IESUS, dum morte sua vitam nobis comparavit, Pater noster evadit; Maria, dum ad hoc consensu suum præbuit, Mater nostra effecta est. Quin imò filius eam omnibus prædestinatis matrem dedit eo ipso tempore, quo eam Joanni matrem commendavit, cùm dixit. *Ecce Mater tua.* Complectere eam sincero, qui filium decet, amore, tuamque in ea confidentiam pone, tunc ipsa morem, curamque tui maternam habebit; & quemadmodum filio suo morienti adstitit, sic te morientem non deseret. Felicissimum te, si hac ope non carueris!

*Roga B.V., ut cùm dignitate in Corredemptrici merita sit in monte Calvariae, sic hoc officij tibi præstet, comparando gratias, quæ hujus Redemptionis premium sunt, maximè gratiam beatam mortis.*

*Tuam ipsius animam pertransibit gladius.* *Luc. --. 35.*

Chri-

Christus offerebat in sanguine carnis , Aprilis.  
Maria offerebat in sanguine cordis. Bern.

## FESTO PASCHATIS.

Resurrectio Christi funda-  
mentum est fidei nostræ.

### I.

**F**ides Apostolorum cum eorum Magistri mortua esse videbatur. Nec mirum ; quanta enim fide non erat opus , ut crederent , hominem in cruce mortuum esse Deum ? sed eorum fides cum ipso resurgit. Ipsius ad vitam reditus fuit instauratio fidei illorum , nostræque fundamentum , & eujusdem simul perfectio. Fides in seipso obscura est , sed Christi Resurrectio eam palam facere videtur , dum eam clarissimis , quibus eandem illustrat argumentis , demonstrat , suamque Divinitatem per Resurrectionem suam manifestam reddit. Omnes illi , qui operam suam commodârunt ignominiosis ipsius cruciatis , eandem etiam commodârunt confirmandæ gloriæ , & veritati Resurrectionis ipsius. Pater Æternus , dum angelos misit eam denuntiaturos ; Iudæi appositis ejus tumu-

F 4

lo